



Тенгізшевройл Деректер мен дәйектер

2018 жылдың бірінші жартысы бойынша мәлімет

Тарих/Қатысушылар:

- Өлемдегі ең терең және ірі мұнай кеніштерінің бірі болып саналатын Тенгіз мұнай кеніші 1979 жылы ашылды.
- «Тенгізшевройл» жауапкершілігі шектеулі серіктестігі (әрі қарай - ТШО) 1993 жылы 6 сәуірде Қазақстан Республикасы мен «Шеврон» компаниясы арасында жасалған келісім негізінде құрылды.
- ТШО-ның қазіргі кездегі серіктестері: «Шеврон» – 50%, «ҚазМұнайГаз» ҰК АҚ – 20%, «ЭксонМобил Қазақстан Венчурс Инк.» – 25% және «ЛукАрко Б.К.» – 5%.

Өнім өндіру/Қорлар:

- Жалпы барланған қоры жөнінен Тенгіз кенішінде 3,2 миллиард тонна (25,5 млрд. баррель), ал Королев кен алаңында 200 миллион тонна (1,6 млрд. баррель) шамасында мұнай бар деп есептеледі.
- Тенгіз және Королев кеніштерінен алынатын мұнай қоры 890 миллионнан 1,37 миллиард тоннаға дейінгі мөлшерді (7,1 - 10,9 млрд. баррель) құрайды.
- Тенгіз коллекторының ені 20 шақырым (12 миль), ұзындығы 21 шақырым (13 миль).
- ТШО 2008 жылы Шикі газ айдау және Екінші буын зауыты (ШГА/ЕБЗ) жобасын аяқтап, нәтижесінде мұнай өндірудің тәуліктік көлемі шамамен 75 000 тоннаға немесе 600 000 баррельге, ал, табиғи газ 22 миллион текше метрге немесе 750 миллион текше футқа жетті.
- 2018 жылдың бірінші жартысында мұнай өндіру көлемі 14,7 миллион тоннаны (117,3 миллион баррель) құрады.

Денсаулық сақтау, өнеркәсіп қауіпсіздігі және қоршаған ортаны қорғау:

- 2000 жылдан бері ТШО қоршаған ортаға әсерді азайтуға бағытталған жобаларға 3 миллиард АҚШ доллар көлемінде қаржы бөлді.
- Қазіргі таңда ТШО өндірілген газдың 98%-дан астамын кәдеге жаратуда.
- Жабдықтың сенімділігін арттыру шараларына жұмсалған инвестициялар 2000 жылдан 2018 жылдың бірінші тоқсаны дейінгі аралықта зауыттардағы техникалық ақаулар санын және алауда жоспардан тыс және технология бойынша шарасыз жағылатын шикі және қышқыл газ көлемін 99%-ға азайтуға мүмкіндік берді.
- 2000 жылдан бері өндірілген мұнайдың бір тоннасына шаққандағы атмосфераға жіберілген шығарындылардың көлемі 73%-ға азайды. ТШО күрделі жобаларды жүзеге асыру және жабдықтардың сенімділігіне жасалған инвестициялар нәтижесінде аталған мерзім ішінде жылдық мұнай өндіру көлемін 2,7 есе арттырды.

ТШО өнімінің өзге түрлері:

- 2018 жылдың бірінші жартысында ТШО сұйытылған газ сату көлемін шамамен 704 мың тоннадан асырып, құрғақ газ сату көлемін 3,9 миллиард текше метр, ал күкірт сату көлемін 1,2 миллион тоннаға жеткізді.

Қазақстан Республикасы үшін артықшылықтар:

- 1993 жылдан 2018 жылдың бірінші жартысына дейін ТШО-ның Қазақстан Республикасына тікелей қаржы төлемдері 129 миллиард АҚШ долларынан астам соманы құрады. Бұған ТШО-ның жергілікті қызметкерлеріне төленген еңбекақы, қазақстандық тауар өндірушілер мен жабдықтаушылардың өнімдері мен қызметтерін сатып алуға жұмсалған қаржы, мемлекеттік кәсіпорындарға аударылатын тарифтер мен төлемдер, қазақстандық серіктеске бөлінген тиісті дивидендтер, сонымен қатар мемлекеттік бюджетке аударылған салық және роялти түріндегі төлемдер кіреді.
- 2018 жылдың бірінші жартысында Қазақстан Республикасына төленген тікелей төлемдердің көлемі 3 миллиард АҚШ долларына жетті.
- 2018 жылдың бірінші тоқсанында ТШО қазақстандық тауарлар мен қызметтерді пайдалануға 1,5 миллиард АҚШ доллары шамасында қаржы жұмсады, оның 936 миллион АҚШ долларынан астамы КҚЖ-ҰЕҚБЖ аясында жұмсалды.
- 1993 жылдан бастап ТШО қазақстандық компаниялардың 25,5 миллиард АҚШ долларын құрайтын тауарлары мен қызметтерін пайдаланды.

Қызметкерлерді шыңдау:

- Қазіргі таңда ТШО-да жұмыс істейтін қазақстандық қызметкерлердің үлесі 1993 жылғы 50% көрсеткішпен салыстырғанда 82,2% құрайды.
- ТШО-дағы жергілікті ұлттық басшылардың, жоғары және орта буын жетекшілерінің үлесі жалпы басшылық құрамның 63,3% құрайды. Кадрларды оқыту және шыңдау жөніндегі тұрақты бағдарламаны жүзеге асыру нәтижесінде жауапты басшылық лауазымдарға тағайындалған жергілікті қызметкерлер қатары көбейе түсуде.



Теңізшевройл Деректер мен дәйектер

2018 жылдың бірінші жартысы бойынша мәлімет

Әлеуметтік салаға үлес:

- 1993 жылдан бастап ТШО өз қызметкерлері мен жергілікті тұрғындардың игілігі үшін Атырау облысының әртүрлі әлеуметтік жобаларына 1,5 миллиард АҚШ долларынан астам қаржы жұмсады.
- 2018 жылдың «Игілік» ерікті әлеуметтік инфрақұрылым бағдарламасы бюджеті 25 миллион АҚШ долларын құрады. Аталмыш қаржының негізгі үлесі Атырау облысында балабақшалар, мектептер және басқа да әлеуметтік нысандардың құрылысына жұмсалады.
- 2018 жылы Атырау облысының денсаулық сақтау және білім беру салаларына қолдау көрсету мақсатында ТШО-ның әлеуметтік инвестициялар бағдарламасына 1 миллион АҚШ долларынан астам қаржы бөлінді.

Келешек кеңею жобасы - Ұңғы өрнеуіндегі қысымды басқару жобасы

- 2016 жылы ТШО серіктестері Теңіз мұнай кен орнының өндірістік қуаттылығын арттырудың келесі кезеңі болып табылатын Келешек кеңею жобасы - Ұңғы өрнеуіндегі қысымды басқару жобасын (КҚЖ-ҰЕҚБЖ) қаржыландыру жөніндегі ақырғы шешімнің қабылданғаны туралы жариялады.
- КҚЖ-ҰЕҚБЖ нысандарының құрылысы барынша тиімділікті арттырып, қаражатты үнемдеу мақсатында бір уақытта орындалып жатыр.
- Өндірістік қуатты арттыру мақсатында табысты түрде жүзеге асырылған ТШО-ның алдыңғы ЕБЗ/ШГА жобасы тәжірибесін негізге ала отырып, КҚЖ өндіріс қуатын жылына шамамен 12 миллион тонна немесе тәулігіне 260 мың баррельге арттырып, осылайша мұнай өндірісінің жылдық көлемін шамамен 39 миллион тоннаға немесе тәулігіне 850 мың баррельге жеткізуді көздейді.
- ҰЕҚБЖ атқылайтын ұңғылардың өрнеулік қысымын төмендетіп, қолданыстағы алты кешенді технологиялық желінің кіре берісіндегі қысымды арттыру арқылы Теңіз кен орнында жұмыс жасайтын зауыттардың толық қуатпен жұмыс істеуін қамтамасыз етеді.
- КҚЖ-ҰЕҚБЖ аясында 42 мыңнан астам қазақстандықтар ел ішінде жұмысқа тартылды, бұл жобада жалпы қызмет етіп жатқандар санының 92%-ын құрап тұр.
- ТШО қазақстандық жабдықтаушыларды КҚЖ-ҰЕҚБЖ үшін жобалау, сатып алу және модульдерді дайындау қызметтеріне белсенді түрде жұмылдыруда. Қазіргі таңда 2000-нан астам қазақстандық компания алдын-ала іріктеуден өтіп, соның ішінде 300 компаниямен келісімшарт жасалды. Қазақстандық компаниялардың әлеуетін бағалау үшін жоба өкілдері 150-ден астам компанияның нысандарын аралады. Жобаның басынан бастап ҚҚ-ға жұмсалған шығындар көлемі 4 млрд АҚШ долларынан асады.
- Негізгі нысандар бойынша жобалау жұмыстары жалғасуда.
- КҚЖ-ҰЕҚБЖ жабдықтарының негізгі бөлігі Қазақстан, Оңтүстік Корея және Италияда жасалады. Біртұтас модульдерге алдын ала құрастырылғаннан кейін олар соңғы құрастырылуы үшін Теңіз кен орнына жеткізіледі.
- Қазақстандағы «ЕРСАЙ» өндірістік алаңында құрастырмалы модульдік эстакадаларды жасау жұмыстары орындалуда. «ЕРСАЙ» өндірістік алаңына алғашқы құрастырмалы модульдік эстакада кемеге сәтті тиеліп, жүк тасымалдау бағдары терминалына түсіріліп, Үшінші буын зауыты алаңына жеткізілді.
- Италияның Авенца қаласында «Фрейм 9» газ турбиндік генератор (ГТГ) модульдерін жасап, жеткізу жұмыстары жалғасуда. Маусым айында алғашқы ГТГ кемеге тиелді.
- Алғашқы құрастырмалы модульдік блоктар мұхит кемелеріне қауіпсіз тиеліп, Оңтүстік Кореядағы өндірістік алаңынан Теңіз кен орнына қарай жөнелтілді. Аталмыш блоктар Оңтүстік Кореядан жөнелтілген алғашқы жүк болды.
- Жүк тасымалдау бағдары пайдалануға әзір, ал терминалда бірінші жүктерді қабылдау басталды.
- Теңіз кен орнында автокөлік жолдарының құрылысы жүргізілуде.
- Қолданыстағы технологиялық зауыттардың толық қуатта жұмыс істеуі үшін қажетті кеніш нысандары мен құбырларды салу жұмыстарымен қатар, бұрғылау жұмыстары жалғасуда.
- Үшінші буын зауыты алаңында нөлдік цикл жұмыстарына қатысты алғашқы межеге қол жеткізілді, маусым айында «қызыл бағдардың» құрылысы аяқталды.
- Үшінші буын шикі газ айдау алаңында бетон құю жұмыстары жалғасуда, сонымен қатар жер асты құбырларын орнату жұмыстары және іргетастарды орнында құю жұмыстары жүргізілуде.